

Saopćenje za javnost

Treća javna debata: «Počinioci i žrtve krivičnih djela su naša djeca-Spriječimo maloljetničko prijestupništvo»

Hotel «Bosnia», 23.4.2008. 14.00-17.30

Niti nakon treće javne debate sa jedinstvenim ciljem monitoringa realiziranih aktivnosti na rješavanju problema maloljetničkog prijestupništva nisu učinjeni koraci naprijed. Direktna tema posljednje debate odnosila se isključivo na Strategiju prevencije maloljetničkog prijestupništva poglavlje «Prevencija», stranice 31.-38. u kojoj su precizirani direktni koraci i navedene direktne odgovornosti nadležnih institucija. S tim u vezi pozvani su :

Ministarstvo civilnih poslova BiH-nisu se odazvali pozivu zbog seminara o istoj temi na Jahorini

Ministarstvo za ljudska prava i izbjeglice BiH-nisu se odazvali pozivu zbog seminara o istoj temi na Jahorini

Ministarstvo pravde (FBiH i KS)-nisu se odazvali pozivu zbog drugih obaveza

Vlada Kantona Sarajevo-u ime Vlade se obratio Ministar unutarnjih poslova, gospodin Željko Mijatović i savjetnica za pitanja mladih gđa Dijana Simanić koja je govorila isključivo u svom domenu poslova

Vijeće Ministara BiH-debatu prisustvovala savjetnica za pitanja mladih pri kabinetu Predsjedavajućeg, gospodina Nikole Špirića, koja nema ingerencije da predstavlja Vijeće

Ministarstvo sigurnosti BiH-nisu se odazvali pozivu

Ministarstvo unutarnjih poslova (FBiH i KS)-Ministarstvo osiguralo učešće u debati svih kantonalnih ministarstava, kao i nekoliko odjeljenja unutar MUP-a KS

Ministarstvo obrazovanja i nauke (FBiH i KS)-nisu se odazvali pozivu; Ministarstvo obrazovanja i nauke KS- zauzeti pojačanim poslovima na zapošljavanju volontera u školama

Prosvjetno pedagoški zavod-debatu prisustvovala savjetnica za pedagogiju i psihologiju, gospođa Vesna Alić koja nije imala niti jedan kvantitativni niti kvalitativni pokazatelj uspješnog djelovanja na Prevenciji i ime PPZ-a zato što nema te podatke; izlagala isključivo kao savjetnica u svojoj oblasti djelovanja

Grad Sarajevo-predstavica Grada Dragana Solaković predstavila konkretan rad Grada i izvan domena njihovog djelovanja

Porodično savjetovište-debatu prisustvovao direktor, gospodin Mustafa Ćorić koji je govorio o projektima koji su u pripremi, ali niti jedan mjerljiv rezultat do sada obavljenih aktivnosti nije iznio

Ministarstvo rada i socijalne politike KS- debatit prisustvovao zamjenik ministrice gospodin Mensur Peljto

Da li imamo Strategiju na državnom nivou? Formalno da, u dokumentu, ali ne u realizaciji. Svi podaci koji su se čuli na debati jesu aktivnosti koje uglavnom rade u okviru redovnih programa navedenih institucija. Nema podatka: koliko razvijenih novih programa, koliko uključenih mladih i najvažnije koji su efekti eventualnog uključivanja. I konačno najvažnije: **NEMA PROGRAMA PREVENCIJE MALOLJETNIČKOG PRIJESTUPNIŠTVA, NIJE KONSTITUIRANO KOORDINACIJSKO TIJELO KOJE ĆE UVEZATI SVE SUBJEKTE I PRATITI IMPLEMENTACIJU.**

Direktno odgovorni za navedene aktivnosti: Vijeće Ministara BiH, Ministarstvo pravde sa ministarstvom za ljudska prava i izbjeglice i Ministarstvo sigurnosti koji treba da sačine prijedlog članova koordinacijskog tijela.

Narednom debatom će biti sublimirani zaključci sve tri prethodne debate, sa direktnim identificiranim pojedinačnim odgovornostima.

Mladi nisu komad pokušaja, nisu ugovor o suradnji, nisu međustranačka nadmetanja mladi nisu naša budućnost-**mladi su naša sasvim izvjesna sadašnjost!** Da li su???